

CONVENIO DE COLABORACIÓN ENTRE A AXENCIA TURISMO DE GALICIA E O CONCELLO DE CASTRO DE REI PARA MELLORA DA ACCESIBILIDADE AO VIA CRUCIS DE SANTA LOCAIA E AO MONUMENTO DO SAGRADO CORAZÓN.

MEMORIA XUSTIFICATIVA

A xerente de Turismo de Galicia

DECLARA:

Que esta Axencia Turismo de Galicia formalizou co concello de Castro de Rei o instrumento convencional arriba referido por un período de vixencia que abrangue dende a data da súa sinatura ata o 31 de decembro de 2019.

Que o instrumento convencional ten por obxecto establecer o marco de colaboración entre Axencia Turismo de Galicia e o concello de Castro De Rei para levar a cabo as obras de mellora da accesibilidade ao Vía Crucis de Santa Locaia e ao monumento do Sagrado Corazón.

Que existe converxencia de intereses entre as entidades asinantes en orden á consecución obxecto referido.

Que o instrumento convencional que se pretende asinar se **fundamenta** no seguinte:

Primeiro.- A Axencia Turismo de Galicia, segundo o Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos, é a entidade pública instrumental da Comunidade Autónoma de Galicia á que lle corresponde o exercicio, entre outras, das competencias en materia de coordinación, impulso, xestión e execución das actividades de promoción do turismo, e para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia a través daquelas accións que lle permiten acadar os seus obxectivos.

Segundo.- Os concellos, segundo se sinala no artigo 25.2.h) da Lei 7/1985, do 2 de abril, reguladora das bases de réxime local, posto en relación coa Lei 7/2011, do 27 de outubro,



do turismo de Galicia, teñen competencias en materia de turismo, en concreto a “información e promoción da actividade turística de interese e ámbito local”.

Terceiro.- Ao abeiro do disposto na Lei 5/1997, do 22 de xullo, de Administración local de Galicia, a Xunta de Galicia e as entidades locais poderán celebrar convenios de colaboración entre si para a máis eficaz xestión e prestación de servizos da súa competencia, podendo coordinar as súas políticas de fomento dirixidas a un mesmo sector, executar puntualmente obras ou servizos e adoptar as medidas oportunas para acadar calquera outra finalidade de contido análogo.

Cuarto.- O presente proxecto pretende describir as actuacións a executar polo Concello de Castro de Rei para levar a cabo as obras de mellora da accesibilidade ao Vía Crucis de Santa Locaia e ao monumento do Sagrado Corazón.

O conxunto de actuacións pretende mellorar as condicións de accesibilidade e facilitar a conexión entre a Igrexa de Santa Locaia e ao Monumento ao Sagrado Corazón no camiño que marca o Vía Crucis que leva o mesmo nome.

Trátase dun camiño en línea recta que sae da Igrexa Parroquial cara a cima do Monte da Escrita. Na marxe esquerda están colocadas as 14 estacións dun Vía Crucis modernista de pedra con placas de bronce que ilustran as etapas da Paixón de Cristo. Erixíronse en 1943 a petición popular.

No alto do monte está o monumento ao Sagrado Corazón construído en 1931. Ao seu lado hay unha pequena área recreativa da que se teñen boas vistas sobre a Terra Chá hasta divisándose no horizonte a Serra do Xistral.

Na marxe esquerda do Río Azúmara, na parte baixa da ladeira do Monte da Escrita, encóntrase o xacemento da Necrópolis de Santa Locaia.

A conxunción de todos estes elementos do patrimonio cultural fan deste lugar un punto de atracción turística a visitantes.

O camiño que sube ata o monumento, balizado polas estacións de vía crucis é na actualidade unha banda de terreo natural de uns 7 m de ancho con acabado de terra natural sobre o que creceu a herba e que presenta bastantes imperfeccións. Por outro lado, esta subida á cima na que se encontra o Sagrado Corazón presenta unha elevada



pendente de forma que o seu acceso faise impracticable para persoas con mobilidade reducida.

Por outro lado, o acondicionamento deste importante conxunto cultural dende o punto de vista tanto patrimonial como etnográfico e paisaxístico necesita ser posto en valor incrementando deste xeito o potencial turístico do Concello de Castro de Rei.

As actuacións consisten na adecuación do camiño marcado polas estacións do Vía Crucis, dentro do que as características naturais do terreo permiten, a fin de mellorar as condicións de accesibilidade.

Preténdese a pavimentación dunha franxa de terreo de 2 metros de ancho con pavimento de adoquíns de pizarra.

A un dos lados desta franxa pavimentada sitúase outra franxa de 1 metro de zona axardinada na que se encontran as 14 estacións de vía crucis e ao outro lado unha zona de terreo natural destinada ao tránsito de vehículos de mantemento que esporádicamente teñen que acceder ao monumento.

Entre a zona pavimentada para o tránsito peatonal e a zona de tráfico de vehículos disporase unha barandilla que axude a mellorar, na medida do posible, a accesibilidade do sendeiro tendo en conta a pendente natural do terreno que non poderá ser modificada.

Preténdese, ademais, a colocación dun planímetro cultural informativo ao comezo do Vía Crucis na zona máis próxima á Igrexa de Santa Locaia, con información sobre a Igrexa, o Monumento do Sagrado Corazón, o Vía Crucis, a Necrópolis e todos os elementos que forman este interesante conxunto. Así mesmo, incluírase placa do texto en braile.

Quinto.- O Plan Estratéxico de Turismo de Galicia 2020 sinala como Reto 1, o aproveitamento do potencial dos recursos naturais de Galicia, que permiten construír un destino único e diferencial, artellado ó redor dunha Marca: Galicia. A sustentabilidade do destino será o fío condutor na construción das liñas estratéxicas que se contemplan:

- Paisaxe, recursos naturais e sustentabilidade.
- Valores diferenciadores e o seu potenciamento
- A mobilidade turística



- Os camiños de Santiago como dinamizadores do país

Así mesmo a Liña estratéxica 1: Paisaxe, recursos naturais e sostibilidade, sinala:

O turismo é un gran consumidor de espazos e de recursos naturais. O desenvolvemento da actividade require dunha planificación coherente e ordenada, que garanta a preservación dos espazos especialmente sensibles e a conservación da súa autenticidade e valores patrimoniais, tanto desde o punto de vista natural como desde o punto de vista cultural. A paisaxe como recurso estratéxico, debe de ser preservada e posta en valor desde un punto de vista turístico, garantindo a sostibilidade do espazo natural a medio e longo prazo.

Obxectivos estratéxicos:

1. Impulso ao uso turístico sostible da paisaxe. Ecoturismo
2. Recuperación e mantemento de núcleos singulares
3. Control de capacidade de carga e redistribución de fluxos turísticos
4. Sostibilidade das infraestruturas turísticas

Que a través deste convenio, outórgase ao concello de Castro de Rei unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, social, económico e humanitario expostas nos puntos anteriores e que dificulta a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asíñase esta memoria, en Santiago de Compostela





XUNTA DE GALICIA

CONSELLERÍA DE
CULTURA E TURISMO
Turismo de Galicia

galicia

A xerente de Turismo de Galicia

M^a Elena Barca Ramos



Xacobeo 2021